

醫醇賸義目錄

卷一

脈法

四家異同

重藥輕投辨

同病各發

中風

中寒

暑熱濕

卷二

秋燥

火

勞傷

腦漏

鼻衄

齒牙出血

關格

卷三

咳嗽

痰飲

結胸

瘰癧

黃痺

三消

卷四

痠

痺

脹

下利

諸痛

三衝

醫醇賸義卷二

秋燥

燥爲六淫之一。內經於此條。並未大暢其說。至西昌喻氏著秋燥論一篇。謂世俗相沿。誤以濕病爲燥病。解者亦競以燥病爲濕病。而於內經所謂秋傷於燥。上逆而咳。發爲痿厥。數語全然誤會。可謂獨具隻眼。大聲喝破矣。惟篇中謂秋不遽燥。大熱之後。繼以涼生。涼生而熱解。漸至

大涼而燥令乃行焉此則燥字之義乃作大涼
解而燥中全無熱氣矣獨不思秋陽以暴之一
語朱子註中謂秋日燥烈言暴之乾也可見秋
陽甚於夏日燥非全主乎涼乃篇中又申其說
以爲天道春不分不溫夏不至不熱則秋不分
不燥之意隱然言下矣信斯言也則必秋分以
後方得謂之秋燥是燥病亦只主得半季而秋
分以前之四十五日全不關秋燥矣由斯以推

則冬至以後方是傷寒春分以後方是春溫夏至以後方是三氣而於冬至以前春分以前夏至以前秋分以前之四十五日內所感者爲何氣所得者謂之何病乎愚謂燥者乾也對濕言之也立秋以後濕氣去而燥氣來初秋尙熱則燥而熱深秋旣涼則燥而涼以燥爲全體而以熱與涼爲之用兼此二義方見燥字圓相若專主一邊遺漏一邊恐非確論竊附管見或亦愚

者千慮之一云。

肺燥

肺受燥熱發熱咳嗽。甚則喘而失血。清金保肺湯主之。

清金保肺湯 自製

天冬 一錢五分

麥冬 一錢五分

南沙參 三錢

北沙參 三錢

石斛 二錢

玉竹 三錢

貝母 二錢

茜根 二錢

杏仁 三錢

婁皮 三錢

茯苓 二錢

蛤粉 三錢

梨三片

藕五片

肺受燥涼咳而微喘氣鬱不下。潤肺降氣湯主之。

潤肺降氣湯 自製

沙參 四錢

婁仁 四錢

桑皮 二錢

蘇子 二錢

杏仁 三錢

旋覆花 一錢
絹包

橘紅 一錢

鬱金 二錢

合歡花 二錢

鮮薑皮 五分

心燥

心受燥熱。渴而煩冤。養心潤燥湯主之。

養心潤燥湯 自製

松子仁 二錢

柏子仁 二錢

天冬 二錢

丹參 二錢

當歸 二錢

犀角 五分

生地 五錢

人參 一錢

茯神 二錢

甘草 四分

藕汁半杯冲服

心受燥凉。心煩而膈上喘滿。清燥解鬱湯主之。

清燥解鬱湯 自製

人參 一錢

丹參 三錢

茯神 二錢

半夏 一錢

柏仁 二錢

當歸 二錢

鬱金 二錢

廣皮 一錢

沉香四分 人乳磨冲

肝燥

肝受燥熱。則血分枯槁。筋縮爪乾。涵木養榮湯主之。

涵木養榮湯 自製

生地 三錢

熟地 三錢

當歸 二錢

白芍 一錢

棗仁 一錢五分

木瓜 一錢

秦艽 一錢

人參 一錢

麥冬 一錢五分

五味子 五分

紅棗十枚 桑枝一尺

肝受燥涼血滯不行筋短脇痛當歸潤燥湯主之。

當歸潤燥湯 自製

歸身 二錢

白芍 一錢五分

紅花 五分

木瓜 一錢

秦艽 一錢

丹參 二錢

牛膝 二錢

川斷 二錢

獨活 一錢

橘餅 四錢

紅棗 十枚

脾燥

脾本喜燥。但燥熱太過。則爲焦土。而生機將息。令人體疲便鞭。反不思食。此正如亢旱之時。赤地千里。禾稼不生也。澤下湯主之。

澤下湯

自製

人參 一錢

當歸 二錢

白芍 一錢

生地 六錢

白蘇子 三錢

大麻仁 三錢

石斛 三錢

山藥 三錢

料芫 三錢

紅棗十枚

腎燥

腎受燥熱。淋濁溺痛。腰脚無力。久爲下消。女貞湯主之。

女貞湯 自製

女貞子 四錢
生地 六錢

龜版 六錢

當歸 二錢
茯苓 二錢

石斛 二錢

花粉 二錢
萆薢 二錢

牛膝 二錢

車前子 二錢

大淡菜三枚

腎受燥涼腰痛足弱。洩便短瀉。菰蓉湯主之。

菰蓉湯 自製

肉菰蓉 三錢 漂淡 枸杞 三錢

兔絲子 四錢

當歸 二錢 杜仲 三錢

料荳 三錢

茯苓 二錢 牛膝 二錢

甘草 四分

紅棗十枚 薑兩片

胃燥

胃受燥熱津液乾枯渴飲殺穀。玉石清胃湯主之。

玉石清胃湯 自製

玉竹 三錢

石膏 四錢

花粉 二錢

石斛 三錢

生地 五錢

人參 一錢

麥冬 二錢

蛤粉 四錢

山藥 三錢

茯苓 二錢

甘蔗汁半杯冲服